



ურთიერთგაგების და თანამშრომლობის მემორანდუმი

საჯარო სამართლის იურიდიულ პირს -

ილიას სახელმწიფო უნივერსიტეტსა

და

საჯარო სამართლის იურიდიულ პირს

შოთა მესხიას ზუგდიდის სახელმწიფო სასწავლო უნივერსიტეტს შორის

საჯარო სამართლის იურიდიული პირი - ილიას სახელმწიფო უნივერსიტეტი (შემდგომში - უნივერსიტეტი), წარმოდგენილი უნივერსიტეტის რექტორის, გიგა ზედანიას სახით და საჯარო სამართლის იურიდიული პირი - შოთა მესხიას ზუგდიდის სახელმწიფო სასწავლო უნივერსიტეტი (შემდგომში - სასწავლო უნივერსიტეტი), წარმოდგენილი რექტორის, თეონა ხუფენიას სახით, იზიარებენ რა საქართველოს განათლებისა და მეცნიერების სფეროს განვითარების ღირებულებებს და მიზნებს, ხელმძღვანელობენ რა ურთიერთგაგებისა და პატივისცემის პრინციპებით, გამოხატავენ ურთიერთთანამშრომლობის სურვილს და დებენ წინამდებარე მემორანდუმს შემდეგზე:

1. მემორანდუმის მიზანი

- 1.1. შეიქმნას სსიპ ილიას სახელმწიფო უნივერსიტეტსა და სსიპ - შოთა მესხიას ზუგდიდის სახელმწიფო სასწავლო უნივერსიტეტს შორის გრძელვადიანი თანამშრომლობის ჩარჩო, რომელიც საშუალებას მისცემს მასში შემავალ ორგანიზაციებს, თავისი წვლილი შეიტანონ საქართველოში აკადემიური და გამოყენებითი კვლევის განვითარებაში, მათ შორის, უნივერსიტეტის სასწავლო პროგრამის გაუმჯობესებაში.
- 1.2. თანამშრომლობის ფარგლებში, მაქსიმალურად ეფექტურად იქნას გამოყენებული სსიპ ილიას სახელმწიფო უნივერსიტეტის კონსტიტუციური კვლევების ცენტრისა და სოციალური კვლევების ლაბორატორიის არსებული ინტელექტუალური და ტექნიკური რესურსი დასახული მიზნების მისაღწევად.
- 1.3. თანამშრომლობის ფარგლებში შემუშავდეს და განხორციელდეს საგანმანათლებლო, კვლევითი და ცნობიერების ამაღლების ღონისძიებები (კვლევები, სემინარები, ლექციები, პრეზენტაციები, კონფერენციები, საინფორმაციო კამპანიები და სხვ.), მათ შორის პარტნიორებისა და დონორი ორგანიზაციების რესურსების გამოყენებით.
- 1.4. პარტნიორების ძალისხმევით მოხდეს აკადემიური და გამოყენებითი კვლევების პოპულარიზაცია და საზოგადოებისა და დაინტერესებული პირების ეფექტური ინფორმირება.

2. მემორანდუმის მოქმედების ვადა და სხვა პირობები

- 2.1. წინამდებარე მემორანდუმი ძალაში შედის მხარეთა მიერ მისი ხელმოწერისთანავე და მოქმედებს რომელიმე მხარის მიერ მემორანდუმის შეწყვეტის შესახებ წერილობითი ფორმით მოთხოვნამდე.
- 2.2. მემორანდუმში ცვლილება შეიძლება შევიდეს მხარეების წერილობითი შეთანხმების საფუძველზე.

2.3. მემორანდუმი შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება მხარეებთან.

2.4. შემდგომში შემუშავებული ერთობლივი პროექტები დაეყრდნობა მოცემული მემორანდუმის მიზნებსა და ძირითად პრინციპებს.

2.5. წინამდებარე მემორანდუმი არ არის შემზღუდავი ძალის მქონე მისი ხელმოწერი მხარეებისთვის. ის ასევე არ ითვალისწინებს/გულისხმობს რომელიმე პარტნიორი მხარის ინტერესების უგულვებელყოფას ან მისი კომერციული საიდუმლო ინფორმაციის გასაჯაროებას.

2.6. მოცემული მემორანდუმის მხარეების ურთიერთობის კოორდინირება მოხდება ილიას სახელმწიფო უნივერსიტეტის კონსტიტუციური კვლევების ცენტრისა და სოციალური კვლევების ლაბორატორიის საშუალებით.

მხარეთა რეკვიზიტები

სსიპ ილიას სახელმწიფო უნივერსიტეტი

მის.: ქ.ჩოლოყაშვილის გამზირი 3/5
ქ. თბილისი 0162, საქართველო
ტელ.: (995 32) 231 026; 294 197
ფაქსი: (995 32) 231 026, 220 009
A ელ-ფოსტა: info@iliauni.edu.ge
ვებ-გვერდი: www.iliauni.edu.ge

სსიპ შოთა მესხიას ზუგდიდის
სახელმწიფო სასწავლო უნივერსიტეტი

მის.: ჯანაშიას ქ. №14
ქ. ზუგდიდი 2100, საქართველო
ტელ: (+995 415) 25 62 17
ელ-ფოსტა: zssuedu@gmail.com

ვებ-

გვერდი: [//www.zssu.ge/zssu2/](http://www.zssu.ge/zssu2/)

რექტორი

გიგა ზედანია



რექტორი

თეონა ხუფენია